

Sagantaa Paartii Badhaadhinaa (kan yaa'iidhaan Mirkanaa'e)



Bitootessa. 2014

**Paartii Badhaadhinaa
Finfinnee**

Seensa

- I. Biyyi teenya Itiyoophiyaan waggoottan darban gama hawaasumaatiin, diinagdeefi siyaasaatiin jijjiiramoota gaarii galmeessiteerti. Jijjiiramoota gama hawaasummaa, diinagdeefi siyaasaatiin jiran kanneen eeganii babal'isuuf, dogoggorawwan sirreessuuf akkasumas faayidaafi fedhii dhaloota har'aafi borii itti fufinsaan guutuudhafi tokkummaa sab daneessummaa jabeessuuf dhaabbileen miseensota ADWUI fi dhaabbileen deeggartootaa qabsoo yeroon gaafatuuf gurmaa'insa yeroon gaafatuun ijaaramuuf itti amananii walitti makamiinsa uuman ka'umsa godhachuudhan sagantaan paartii Badhaadhinaa kun qophaa'ee jira.
- II. Biyya keenyaatti eegamanii babal'achuu kan qaban injifannoowwan gurguddaan galmaa'anii jiru. Damee diinagdeetiin biyyi teenya waggootan walitti fufaniif bu'aan galmeessite, hiyyuummaa hir'isuun, bu'uuraaleen misoomaafi kenninsa tajaajilaa babal'isuun oo'insa isaanii eeggatanii akka itti fufan gochuu barbaachisa. Gama dame siyaasaatiin walqixxummaa sabaa, sablammootaafi uummatoota diriire mirkaneessuu kan danda'u heerri mootummaa federaalawaa hanqina isaa fooyyessaa deemuu barbaachisa. Dame haajaa alaatiin waltajjiiwwan addunyaa irratti fakkeenyummaa haqaafi gidduseentummaa maleessa ta'uun ishee itti fufuu qaba.
- III. Karaa birootiin waggoottan darban keessa dogoggoroota diinagdeefi siyaasaa mul'atan mamii tokko malee sirreessuu barbaachisa. Amma biyyi teenya sadarkaan guddinaa irra geesse kanaa dura moodela faayinaansii misoomaa hordofnee guddina hawaasummaafi diinagdee

galmeessine saniin haala walfakkaatuun guddinaafi misooma itti fufsiisuuf sadarkaa qormaata guddaa ta'e irra geenyee jirra. Guddinni galmeessine gama tokkoon maddoota babal'isuu, karaa biro immoo hanqina mootummaatiin qabeenyaa qisaasamaafi hanna irraa tiksuu, uummanni biyya keenyaa misooma haqa qabeessaafi fayyadamummaa uummataa mirkaneessuu barbaachisa. Waan ta'eef omishtummaa dabaluufi waltumsa diinagdee abbootii qabeenyaa dhuunfaafi mootummaatiin ijaaramu diriirsuu barbaachisa. Moodela faayinaansii Abbootiin qabeenyaa dhuunfaa biyya keenyaa qabeenya gahaa uumuu danda'an fi omishtummaa guddisuu danda'an hordofuu barbaachisa.

Gama siyaasaatiin eenyummaa sabaafi eenyummaa biyyaaleessaa, wal simsiisuudhan kan gaggeessu ijaarsa biyyaafi sirna demokiraasii gaggeessuu barbaachisa. Hawaasa gareen qooduudhan deemsa adda baasuu ture hammataafi hunda hirmaachisaa gochuun rakkoo siyaasaa qabatamaa biyya keenyaa kan hiiku hammattoo fooyya'insaa barbaachisa. Ijaarsa sirna demokiraasiitiif gufuu kan ta'an fedhiwwan diinagdee gaaffilee demokiraasiitii oli kan jedhu xinxala fi sagantaa siyaasaa guutuu hintaane, laalchota badhaadhina biyyaa hunda galeessa ta'een bakka buusuu barbaachisa. Dhiphachuu demokiraasii keessoo keenyaa furuudhan ifaafi uummata biyya keenyaa hundaaf fakkeenya sirna demokiraasii ta'ee akka mul'atu gochuu barbaachisa.

- IV. Biyya keenya Itiyoophiyaa faayidaafi fedhii dhaloota har'aafi borii bu'uura kabachiisu irratti ijaaruun nagaa, demokiraasiifi tokkummaan sabdaneessummaa, kabjni lammiilee, haqniifi badhaadhinni waloo biyya itti mirkanaa'e ta'uutu irra jiraata. ADWUI'n qabsoo hidhannootiin injifannoo erga argatee booda seenaa waggoota 28f biyya qajeelche keessatti haalli siyaasa biyyaaleessaafi addunyaaleessaa jijjiiramee jira. Dabalataanis ADWUIfi dhaabbileen deeggartootaa haala ittiin biyya bulchaa turan keessatti yaadamniifi laalchonni siyaasaa hordofaa turan yeroo ammaa bu'a qabeessummaan isaa gaaffii keessa galee jira. Paartiin keenya seera tapha siyaasaa baraa waliin bifa waldubbiseen jijjiirama laalchaa yeroo gabaabaa keessatti gaggeessuudhan addunyaa jijjiiramaa jirtu waliin walsimuufi biyya keenyattis badii duubatti haftootaan qaqqabuu danda'u keessaa bahuun murteessaadha.
- V. Akka waliigalaatti biyya keenyaatti baroota bulchiinsa ADWUI keessatti injifannoowwan gama dinagdeetiin, siyaasaafi hawaasummaatiin argaman eeganii babal'isuu, hanqinaalee mul'atan immoo adda baasanii mamii tokko malee sirreessuufi fedhiifi faayidaa dhaloota har'aafi borii guutuu barbaachisa. Ta'us garuu unkaafi qabiyyee ADWUIfi deeggartoonni qabatanii turaniin injifannoowwan eeganii bal'isuun, hanqinoota sirreessuufi faaydaafi fedhii dhaloota har'aafi borii bifa guutuu ta'een kabachiisuun hindanda'amu. Kanaafuu, dhaabbilee miseensota ADWUI fi deeggartoota jedhamanii waamaman walitti makuudhan sirna siyaasaafi demokiraasii hunda hammataa ta'e ijaaruuf “ Paartii

Badhaadhina” kan jedhu paartii sabdaneessa hundeessuun barbaachisee jira.

- VI. Kaayyoo ifa kan qabu paartii walmakiinsa sabdaneessa ta’e uummata biyyaa keenyaa bal’aa kan hammatu garuu immoo dogoggora laalchaatiin Itiyoophiyaanota murteessummaa siyaasaa irraa daangeeffaman hundi walqixxummaadhan kan itti hirmaatan caaseffama paartii fiduuf ni dandeessisa. Karaa biroo paartiin sabdaneessi saboota lakkoofsaan xiqqaa ta’an hirmaachisuufi hammatuun bakka bu’ummaa gahumsa irratti hundaa’een murteewwan kennamaniin walqabata cimaa akka qabaatan olaantummaa yaadaa irratti kan hundaa’e siyaasaa hammayyaa waldorgommiifi waltumsa bu’uura godhate akka lafa qabatu biyyi teenya jijjiirama deemsa demokiraasii jalqabde akka itti fufee sadarkaa duubatti hindeebine irra akka gahuufi akka jabaatu kan gargaaru ta’a. Walumaagalatti walitii makaminsa sabdaneessa dhugaa kan ta’e paartiin keenya walitti hidhamiinsa kaayyoofi gochaa fiduudhan humna fooyya’aa walitti qabachuudhan fuulduratti tokkummaa kaayyoo fi injifannoo caalmaaf kan geessisu akkasumas kallattii Badhaadhina hunda galeessa Itiyoophiyaa mirkaneessu kan hordofu ta’a.